

四庫全書

集部

欽定四庫全書

集部

弇州四部稿卷四十一

詳校官侍讀學士<sub>臣</sub>陸伯焜

中書<sub>臣</sub>劉源溥覆勘

總校官原任中允<sub>臣</sub>王燕緒

校對官中書<sub>臣</sub>張塤

謄錄監生<sub>臣</sub>黃永澄

欽定四庫全書

弇州四部稿卷四十一

明 王世貞 撰

詩部

七言律九十二首

奉寄致政太宰楊公六首

三提鵲印掃烽塵再入鵷班領薦紳  
昭代風雲扶正氣累朝生養出名臣  
焚魚暫托歸田賦躍馬猶強報主身

為問古來賢將相幾人端不愧麒麟

其二

十年天地破君憂一疏閒身許自由綠野再為丞相宅  
赤松仍伴帝師游門前桃李陰初合庭際芝蘭曉競抽  
倘讀里人王績記與公移作醉鄉侯

其三

赤羽燕然未解圍統均時復借樞機方欣太白催明月  
忽覩中台改少微天意欲留殘寇在主恩偏放老臣歸

那堪屈指彌留日槐棘森沈黃髮稀

其四

蒲東雄麗接雲霄人傑生申荷帝招萬里濁河迴砥柱  
千峰秀色擁中條眠龍欲穩雷時發隱豹求深霧已消  
來日璽書三殿下可能高枕負先朝

其五

八座青門悵別餘至今朝論共吹噓西羌尚進平章馬  
東郡先懸御史車那有清商一部樂祇餘黃石數編書

人間萬事無縈慮小為蒼生未破除

其六

鼎新初代辟書頻曾及句吳草莽臣啟事山公能念我  
掃門曹相斷無人懷中明月寒堪摘匣裏秋霜晚更新  
總為感恩知已在不教容易脫沈淪

晉陽貢院試士作呈侍御饒公三首

萬古人文禹甸開千山梗杞建章材騰空雨挾龍門上  
躡景風從馬邑來彩筆祇應推晉問黃金端不讓燕臺

共稱公子賢多客卓犖誰當五士才

其二

戟門秋敞集名流決筴爭先第一籌  
地有飛黃空冀北天將東壁應并州  
千門綺月機初就百篚九霜繭暗抽  
十五鄉書俱造士可無車馬錫諸侯

其三

棘堂清峻逼雲霞萬戶蜂歸靜不譁  
晝永角聲催具草夜闌燈灺託生花  
河東豈必無三鳳緜上寧容有一蛇

聞道楚賢今識玉，連城須向國工誇。

得李伯承尚寶書却寄

讀罷鴻書重慨慷，與君分手十年強。  
空傳學士焚銀句，誰念先朝尚璽郎。  
老去沾沾緣白雪，窮來咄咄幾秋霜。  
莫言同調多時貴，尚有鹽車困太行。

偶成

燕京除目時時下，那有單符入晉城。  
白首祇應安薄祿，清朝真不採虛名。  
人間欲去齊三士，門下須收魯兩生。



借問吳閭詩酒席十年雞口許誰爭

同諸君登南城樓

高城飛閣頗孱顏  
陟絕丹梯手自攀  
四塞西開秦道路  
百盤中吐晉河山  
雲邊兩觀扶鵠尾  
天末千峰出鴈關  
能賦望鄉俱莫問  
清尊好趁羽書閒

馬子進謝元重二廣文校山西士畢一歸廣平一歸河南謁余詩贈

驂驔雙騎出汾陽  
桃李新陰夾道傍  
剖罷連城還入趙

收將照乘總歸梁綠苔句好推希逸絳帳名尊屬李長  
所願王春禮成後諸生同日盡為郎

九日登鎮樓小宴

晉陽風色更重陽閣頻千巖萬木蒼白鴈不傳南國信  
黃花偏作後時香衰顛倚帽難從落獨客傳萸轉自傷  
莫使牛山笑人在一尊聊學少年狂

秋夕同羅大參李憲副會王明輔方伯園亭

二君  
吳楚

人也

紅亭綠砌吐清幽四壁圖書手自讎人向并汾誇地主  
事從吳楚出風流芳尊不避飛霜色小語能寬入暝愁  
除却太行排牖到豈知蓬跡在他州

其二

西北風塵眼暫空東南名勝跡還同杯行三雅知從伯  
劍出雙龍久讓雄

時余攜吳劍明  
輔出人杯行酒

往事半殘紅燭後寸

心全向白頭中譙鐘又動難分手人世於今似轉蓬

聞南中流言有感

入春憂病未堪除彈指浮榮業已虛時到覆蕉能得鹿  
事違緣木可求魚鮫珠掬就機頭淚貝錦裁將篋裏書  
總為世途成濕東江湖天遠縱吾如

其二

自來窮達信乾坤混沌今勞儵忽論荷弱不堪持作柱  
蘭芬那曉避當門毋言白簡何人指只是青山聖主恩  
檢遍科條無死竄可煩詞客為招魂

其三

五湖耕釣足生涯推轂翻令與覆車角為乞歸曾誓馬  
足緣輕出不成蛇三年祇是留皮骨六尺從新費齒牙  
任道吳興荆棘在也應春雨萬人家

其四

馬首殘星涕淚懸太行行盡見平阡那知詰曲羊腸路  
只在逶迤豹尾邊水鏡幾曾當白日冰壺元自寫青天  
虛勞建業諸賢意未少城南二頃田

寄應天華大教授

秣陵官況似君稀  
行散時時信馬歸  
門下書生新絳帳  
江南甲第舊烏衣  
三山秀色看應飽  
六代浮榮勝即肥  
遮莫吳都賦初就  
可憑雙鯉到漁磯

答劉子威僉憲

搶榆天漢並逍遙  
豈有狂夫愛折腰  
老去蛾眉虛見妬  
病來雞骨不辭銷  
孤松句忝劉楨贈  
小草慚從謝傅招  
為報此生能自決  
時清處處好漁樵

其二

毋言腐鼠嚇鵷雛老馬時時倦道途薄宦何曾甘薏苡  
新詩真自得明珠一歸吾氣差猶王三折浮名舊已無  
最羨冥鴻先矯翼與君輪日長江湖

謝晉王存問

憶初賜謁銅鞮宮玉壺長傾琥珀紅已誇相如賦梁雪  
復遣季札論唐風寸丹永隔天漢外尺素忽飛江海東  
總饒縞紵敢言贈欲報瓊瑤無與同

洪武中發三千僧戍邊尹山隆法師請焚身以寬

其罪仍留辦香施法雨濟旱人主嘉之為詩以紀  
其事且悉賜三千僧牒後百八十年初地婆羅門  
王世貞得其遺像塔銘讀之敬題於後

藥王深願且行因救得三千果位人精進肯圖超大劫  
慈悲還擬化波旬烟霄不染清涼界火宅長拋夢幻身  
欲識妙圓何處所中天萬古現金輪

答寄子與使君及于鱗事

長沙南去轉悠悠帝念詞臣賦遠游青鳥書來天盡處



碧雞人在漢梁州末期雷雨芙蓉合稍許雲霞薜荔收  
祇是騎鯨今李白中原萬古失風流

吳興慎侍御子正見訪

鬚髯如戟氣如新不謂菰蘆有此人稷下書名齊慎到  
郊居賦草示王筠蘭心不隔蓬瑤樹棠色無多愧白蘋  
莫以浮家易來往掩關吾計欲終身

太僕顧丈伯剛乞歸用張召和給事韻索和

那因九折始回車勇退功名世不如官似騎曹看引馬

心同學士愛焚魚新篇漸出歸田賦舊草猶存諫獵書  
何謂四愁張給事也從攜手贈瓊琚

子念事解後以酒慰勞得二章

與君相見暫開顏近事驚心夢不閒俗薄轉增貧憊後  
數奇偏老是非間蒼蠅到處難為壁黃雀飛時可論環  
塵世偶然那足恠男兒腳底五名山

其二

猶自逢人氣未平看君白眼太慙生肝膽向來曾借客

文章况爾不藏名，贖將越石能爭禮。  
揖罷曹丘便有情，莫以避讎移姓字。  
燕中倒屣為誰迎。

奉送凌汝成中丞撫鄖陽因東汪中丞伯玉

才聞抗疏乞林丘，又見除書出帝州。  
北極烟雲時自變，東山花月未堪留。  
地分秦楚連中夏，城帶鄖襄控上游。  
羊杜只今高宴會，千秋峴首失風流。

梁廷尉彥國恤刑吳中

泣車恩自帝心裁，祝網人誇主聖開。  
白日御樓雙鳳詔，

青春使者五羊才三年早色飛章轉六代風流攬轡迴  
不為王生堪結襪異時丹筆在燕臺

答李大參師孟時分省吳興

新秋木葉報蓬廬幾見亨途問索居若下一條衣帶水  
使君三日鯉魚書浮雲自失論交後落月長疑入夢餘  
莫向舊游尋宦跡鬢毛今共白蘋疎

送常熟張令被徵

知爾鳴琴報政成琴川一帶盡春聲青門忽餞神明宰

紫禁聊為獻納行束髮已論當世事批鱗寧愛異時名  
爭看百里郎官重天上張星轉不輕

即事寄戚將軍

歲庚在午旄頭滅太社攢金帝受俘珍重運籌三相國  
坐談生致五單于分茅不殺諸侯禮互市全勝列郡租  
北闕請纓神自王窮山衛虎識愁無

其二

聯翩宮錦蔽韋韞天馬峰駝貢不休導引頻勞典屬國

論封先數大長秋中朝斷絀王恢議漠北能無結贊謀  
三輔漁陽知最切莫容烽火動神州

贈沈襄

屈指冰霜塞外年那能對爾不潸然披心血並高天碧  
抉眼睛從白日懸求後即今推李燮報讎爭自識公先  
斗間龍氣參差改無復飄淪古獄邊

秋熱

六月不熱八月熱白帝子為赤帝欺行天驕日自陽燄

曳地妖雲仍火旗蚊蠅向衰且一快鴻鴈欲賓中更疑  
長安炙手者冠蓋野夫袒跣將何之

李駒以父集見授悲感有述

莽蒼中原氣不開蕭條海色隱蓬萊居然一雨將龍化  
無數遺珠並月來地下修文班管業君家接武佩刀才  
江南總有陽春和白雪何人許更裁

余將梓于鱗集適殿卿左史貽書見慰因及此君  
身後愴爾作答兼呈殷相公

秋杪鴻書悲自論死生今旦見情真君看落落游梁者  
我識沾沾御李人稷下遺言寧友重濟南名士得兒貧  
相看自有山公在莫遣劉標著論新

莫雲卿過我園亭值醉為虐醒而有贈

從他事事愛清真此日憑陵值醉身却道中郎無報舞  
那能仲孺不侵人杯前白眼縱橫出坐裏青山磊塊新  
翻憶少年多俠興吳鉤傲殺五陵塵

瞻美弟移居是吾宗始構喬木森然賦此美之



環堵蕭然五畝宮王家玉樹徙從東門前舊榜仍通德  
花底隣居是故豐所至子猷須種竹那能仲蔚不誅蓬  
朝霞未取寒楓映自有雙珠紫氣中

崇明孫少府遷為王官兩臺力挽署篆飄然而西  
和歸去來辭以見志書此賢之

大海東南保障哉贊公何自托鄒枚王門未曳長裾去  
父老初從卧轍迴喬木地寬輕祿食柴桑家近好歸來  
饒它設醴仍虛左自有黃花佐酒杯

寄東明石拱辰給事

灌園身傍太河陰山色龍光自古今

地有龍光山

萬死獨明

臣節在一歸終藉主恩深屯雲不解蒼生望捧日猶懸  
白簡心在昔同仇饒草莽即論時態有浮沈

答德甫用晦追和感事之作

一身蹭蹬避牆東回首交游感慨中泣罷人龍才欲盡  
瘦來天馬步難工檄書忽動西江色隻字猶希大國風  
但使斗間雙氣王不將雷雨辯雌雄

其二

縱今朝籍許從容只合青山學老農  
帝謂橐中無薏苡誰從匣裏識芙蓉  
門人著辨稱非馬邑子矜名笑似龍  
若論此生寧不幸與君旗鼓數相逢

送王司訓罷官歸天台

丹楓吹葉點離杯  
簫鼓千江夕照催  
但惜廣文投杼去  
不知神武挂冠迴  
門生籃輿遲能穩  
客舍青氈寒自開  
若指夫君到時路  
赤城霞起接天台

題沈嘉則露臺

汝賦郊居悵莫從臺孤自聳白雲重雄風起處秋偏色  
大海澄來夜不烽鏡裏湖分雙日月尊前山削五芙蓉  
遙知未淺蓬池興長嘯何如阮嗣宗

地有日月雙湖四  
明山五峰皆如芙

蓉

為張四太學題畫寄少司成范公

故人自許同張范手寫新圖托贈君蕙帳可仍天目色  
絳帷還似石頭雲磯邊罷釣絲綸在掌上揮毫雨露分

倘問吳興王大令郡齋親識練為裙

崑山王大尹汝平入拜客部員外郎

王故國戚

琴聲不斷宓生堂再見除書出未央聖主久寬宗正法  
詞人多拜客曹郎江波盡疊尊前淚山月將充橐裏裝  
若語賜金增秩事中興循吏有輝光

送陳中丞以中被論回閩候勘

九郡提封盡晏如五雲長擁五熊車濤聲晝偃銷兵後  
霜色秋高攬轡初海外正傳司馬喻篋中先報樂羊書

知公暫假天池息水擊搏扶自有餘

送艾教授遷王官歸楚艾嘗為邑令

量移何事轉堪憐  
懶向王門乞俸錢  
仙令至今稱美錦  
廣文元只抱寒羶  
別筵楓斷吳江色  
歸客鴻開楚岫烟  
若過長沙應大笑  
不將憔悴送青年

途遇治河潘中丞時良南歸有贈

兩持符節討河源  
三督軍需進國門  
試聽于鬣翻是頌  
公長得歸銷骨轉成恩  
賜環他日心猶在  
投壁千秋事

可論若問河渠書就未故人今有馬遷存

其二

聊從握手歎初衣自昔功成有是非  
潘鬢總深憂後白商顏終覺勝時肥  
春風急足開茶界秋水查頭擁釣磯  
記得五湖爭長事與公相對欲忘機

送張將軍督餉北上

翩然威鳳五花文縱逐雞栖也不羣  
飛餉再從蕭相國雅歌重見祭將軍  
倉分楊子岡頭雪帆壓秦淮渡口雲

任是平陽七十戰論功那便得如君

李戶部潔夫移疾歸趙貽詩問我林居和韻奉答  
旅退孤蹤能念我中興一疏獨看君大都名在猶堪累  
至竟身輕自不羣馬去叢臺花底月帆收茂苑柳邊雲  
傳經但不輸中壘誓墓何妨嗣右軍

同章生輩游虞山桃源澗作

春蕪渺渺徧平原忽起蒼虬踞石門疊澗亂流金屑水  
飛花不讓武陵源白雲孤自坡中出黃鳥雙從樹杪翻



濟勝况饒風景異與君那可不呼尊

秦方伯子成邀飲惠山園

日氣初高霧色降青山羃歷映船牕故人且繫青絲竿  
邀我同傾白玉缸分得甘泉名第二教成新伎字無雙  
歸來鼓吹應須緩莫使花間吠小厖

喜肖甫中丞開府吳中

熙朝詞客見騫騰晉國扶風爾代興一節盡監諸校尉  
兩年超拜大中丞清霜吐豸來開府紫氣成龍拱孝陵

見說平吳應入相只今雄劍已堪憑

其二

當時七子大名齊誰似金甌出御題  
搖筆江南開雨露揮鞭海外卷虹霓  
張公政就真堪樂蜀國弦調自不淒  
倘許元戎過小隊新莊亦號浣花溪

送皇甫子循游黃山白嶽諸勝地得一律

白嶽黃山千萬峰峰峰雲氣欲如龍  
平將遠勢凌天目雅有高名配岱宗  
風光舊屬囊中草歲月新收腳底筇

應作青蓮李居士九華拈出九芙蓉

送袁魯望督學山東

十上公車鬢更玄銀章郎吏忽驚懸  
繇來稷下田何易多自江東馭臂傳  
岱頂扶桑先出日齊宮碣石有談天  
朱幡絳帳爭前後好是人生得意年

送崇明張司訓遷瓊之樂會令

吳海官移嶺海頻普天何處不王春  
縱令飛鳥難為路自是乘槎好問津  
製錦技堪誇島服還珠恩許到鮫人

他年倘布中和樂與寄諸生次第陳

贈故秦比部少說嘗為御史

兩都臺省並稱雄名姓先朝抗疏中和璧蒼蠅元不染  
鮑家驄馬漸難工浮雲自失三春色大澤長迴九辨風  
若語蓴鱸秋後味步兵元合醉江東

寄送吳高州明卿轉貴省學憲

今皇禹貢古山川似托圖經亥步傳露冕再窮諸粵地  
談經仍向百蠻天無論張楚名空大即使居夷道亦全

寄語雍容臺省客，幾人曾共伏蒲年。

肖甫中丞許為小祇園之會，後以江警暫停。貽詩再訂，敬成一章促之。

見說前茅向海濱，真人紫氣已氤氲。  
千崖欲鼓風雲色，百草希垂雨露文。  
總為虞人難卻負，那能內史不相聞。  
竹林名士元成七，莫遣延之咏五君。

歐楨伯奔喪見訪有贈

荒廬寂寂掩松蘿，客有衝炎布帽過。  
遮莫羊城君到後，

約量鮫渚淚誰多征途一溢憐饘粥受簡諸生避蓼莪  
莫歎廣文官亦罷此星元自傍漁蓑

沈嘉則之楚不遂復有中原之游賦此壯之

春波忽捲楚江蓬乍復騎驢問岱嵩下里有誰堪和雪  
中原何處不觀風奚囊二室花應滿齊缺三歌蒯轉工  
自昔壯游公輩事華陽今帝有新宮

沈嘉則陶一竈自隨日用二斤炭可供數客至晚  
不竭系以詩名之曰作竈而要余嗣響

那因增竈惱行窩杖底陽春信手過燕客始知燃桂易  
牛山寧假負薪多非時解熟熊蹯火不斷能翻蠓眼波  
為問羣歌白石爛干湯爾意竟如何

吳城送梁彥國大理左遷歸嶺南

江楓乍點逐臣橈雞骨逢君黯自銷三黜官從士師後  
五噫人去伯通橋愁中棣萼芳難采夢裏梅花路不遙  
莫向墓田輕有誓羅浮秋色轉應驕

彥國過小祇園有作奉和一首

祇園當暑度秋風一榻初憐駟馬同授簡汝真為上客  
移山吾自愛愚公花間暝色論詩後松頂泉聲淪茗中  
與說世人應解妬老專丘壑大江東

表丈繩之憲副父母八表

汝南月旦未全微家慶表公自古稀鳳有一毛堪作瑞  
鸞從比翼見于飛千年桃核將行酒五色神羊入舞衣  
最是童顏雙暎赤朝來明主賜酺歸

輓王處士翹



春來杯酒共陶陶一病柴門短二毛  
侯白相成真自薄楊朱胠盡始辭勞  
屏間魚藻看猶濕戶外蛛絲網更牢  
愁殺江東無處士少微今夜為誰高

答滁陽羅太僕

晉祠攜手歲華過夢裏春雲斷薜蘿  
忽報江秋魚素到似言山色馬曹多  
題詩墨破瑯琊石入釀青分庶子波  
賸道官中饒樂事可能無意向鳴珂

答和王君載感白髮作

挂頰聽歌白髮詞久知無復少年時君憐日日真難挽  
我狎星星不解悲青鏡總拚微業過紅顏聊借濁醪遲  
無論老子心猶熱懶向禽釐歎染絲

肖甫中丞擬八月見過近九日始達吾州貽詩有  
黃花孟嘉句聊此奉和

八月遙聞使者槎過期霜色近寒花自云鹵簿江州守  
偏識柴桑處士家舊事數從杯底得壯心時傍句中加  
君知布帽應難墮莫以風流嗣孟嘉

梁思伯內翰過訪

蕪城分手歎離居尺素論心歲不虛君愛王維詩裏畫  
我懸梁鵠帳中書婁江栢葉將雲暖庾嶺梅花帶月踈  
此會何年更何地可能杯酒不躊躇

思伯過小祇園分韻得飛字

洗竹穿蘿坐釣磯杯行到手莫教揮峰頭初月迎舡出  
樹杪清霜應曲飛花色可沾雞舌施鬢毛疑拂馬肝歸  
君知奉使停青雀差勝為郎在紫微

陸叔原楚生兄弟自江右歸攜德甫用晦書見存  
且劇談二君相遇之厚賦此寄之

三十六鱗秋乍肥楓江回望思依依斗間人覓雙龍去  
吳下書從二陸歸劒曲未終遷幸舍筑歌才和對沾衣  
菰蘆何限東南美其若霜風識者稀

銷夏灣

灣在縹緲峯下  
兩崦夾成小湖

挂帆秋色太空低縹緲峰迴上與齊別借五湖天一曲  
中分雙崦地東西松杉翠合家堪隱橙橘黃縈路不迷

莫問吳王銷暑事采芳春徑草萋萋

登縹緲峰二首

不辭芒屨破蒙茸賈勇先登第一峰湖外山圍青玉案  
波間島插紫芙蓉龍宮襲籟俄成吹鹿苑噓烟忽自封  
指點空濛渾未定乍驚雲物盪吾胸

其二

風物清秋轉自佳撫膺高眺渺無涯千家射日魚鱗上  
百舸穿雲鴈字排天目障青遙入背角頭分翠近當懷

胥濤怒激非吾分  
蠡汎逍遙興不乖

資慶寺

徑轉峰廻寺宛然  
古橋深草鎖  
爰爰客將流水同  
無住僧似長松不  
記年法食喜分龍  
女供禪房幽借鹿  
麕眠行歌頗愛歸  
途好屐齒斜陽乍  
一穿

贈洞庭九十三蔡翁

由來黃綺擅高風  
今代耆英又屬公  
家住兩山人世外  
身安六帝太平中  
青藜暫借還能却  
白雪因多轉更工

自是耳根能入妙無煩社酒為治聾

翁兩耳聾矣而甚強

宿長圻寺贈僧解空

偶從湖汊繫歸舩  
曳杖尋鐘古刹懸  
幢石草侵天監字  
講壇松漏莫釐烟  
僧云淨社難呼飲  
汝不長齋返近禪  
臨別楊枝猶解贈  
宰官重到定何年

歸自東洞庭望莫釐峰

已憑藜杖恣攀緣  
興盡還勝入剡舩  
遠水蒸霞開色界  
空林答響奏鈞天

過一山塢呼之響應若數部鼓吹

蓮華倒挂雙帆影

橘柚寒收萬井烟最是莫釐堪騁望吳門匹練為誰懸

子與已至胥門故速歸

陸叔平邀過山莊看菊

夫君種菊自年年買得支公勝地偏甘谷移來鳴玉水  
給園分作布金田雅聞彭澤翻為具能使江州忘遺錢  
今夜東籬月色好野夫從醉不迴船

再游天池諸山

十年三踏天池路路路轉峰迴勝自知樹老寒暄無異色



山深向背有餘姿  
寺當托鉢分齋候  
僧是聞鐘出定時  
大好忘言領秋興  
筍輿松影夕陽移

張助甫至日見訪作

寒色柴門午未開  
誰噓鄒律動葭灰  
天將化日為長至  
入憶丁年訪舊來  
夜語蓮華驚促點  
晨傳竹葉喜寬杯  
還應太史能書奏  
海上祥雲片片迴

助甫過小祇園分韻得雲字

王家賓從氣凌雲  
爭似風流張長君  
一片清冰看自見

千秋白雪倡堪聞空林嘯月傳饒吹小艇迴波蕩穀文  
今夜子猷齋畔竹祇應翻向夾池分

哭醉石山人朱察卿二首

歲逢單閼日逢斜玉折蘭推重可嗟不獨文章無醉士  
何人游俠是朱家孤兒痛檢囊中草舊客愁懸匣裏花  
此後只應黃浦雪子猷高興向誰誇

其二

空聞雅度擬林宗未有微官及曼容忽隕大星名是酒

縱埋豐獄氣成龍人疑一醉還十日君自孤魂度九峰  
滿目風流都欲盡莫將吾涕訝無從

弇州四部稿卷四十一

欽定四庫全書

弇州四部稿卷四十二

明 王世貞 撰

詩部

七言律九十首

癸酉元日試筆

爆竹嚴聲徹夜傳  
瞳矐旭日漸東懸  
天開萬厯王正朔  
人樂羣方大有年  
及尾屠蘇深蠟色  
含苞玉蕊媚春烟

相逢未卜行藏事且向條風試酒錢

邀助甫游虎丘

寒色高臺頰萬家坐來衿袖隱烟霞  
逃禪再起生公石  
倚醉頻呼陸羽茶今日青牛干氣象  
助甫微服見訪  
早時白虎  
出精華司空自有衝星佩來向茲丘問莫耶

顧丈伯剛重封異數其先大夫再得給事京兆誥  
封

兩朝恩數向君偏聖主人推達孝年共道絲綸徵舊德

自將忠藎格皇天西清再視中書草北壠重題京兆阡  
從此江東論四姓還應甲族表諸賢

四明吳生游大梁甚久其再往也謁余詩為贈

東書擔簦一奚囊擬向人間識二王音似莊生猶帶越  
賦如枚叔好游梁春風騎從夷門去烟雨魚羹幸舍嘗  
授簡只今多左席古來詞客有輝光

盧使君君萬手植一松百花洲且侑以詩走筆奉

謝

萬卉當春不敢開，孤松瞥見使君栽。  
猶驚栢府霜威重，似挾天門雨色來。  
陶令儘堪歸後撫，嵇生未許醉時頽。  
懸知滿樹秦風在，中夜龍吟首重回。

楚行意頗不決聊成一章

邸吏空驚腰綬新，婆娑仍惜據梧身。  
文章殫我終投筆，歲月欺人轉積薪。  
舊事懶聽湘水曲，衰顏羞覩武陵春。  
何如且作祇園主，經卷茶鐺次第陳。

送鴻臚姪孫赴官



何言垂白始為郎，十上公車意未央。  
入洛風流追小阮，過江門第數諸王。  
傳呼曙應金雞唱，立仗春分玉筍行。  
況是朝端多父客，到廳丞相為施牀。

太師華亭相公枉駕海上，因游小祇園，奉贈一章。  
懸却安車謝過從，忽占台斗暫移蹤。  
千家兒女看司馬，片語乾坤識卧龍。  
日暮林泉翻起色，春來桃李競為容。  
知公不淺行雲意，倘施西山最上峰。

伏承太師相公枉駕祇園，以五言八句留題，皆真。

諦語不揣奉謝一章

東來紫氣有真人給苑含輝祇樹春草忍自詣菩薩行  
潭澄初現宰官身杯中水月無明失句裏雲霞法界新  
若語世尊應好慰只今魔地隱波旬

皇甫子循僉事七十

尊前金縷乍成衣與唱人生七十稀勝具總誇玄晏上  
微官不厭曼容非凌雲健筆長餘綵翫世青衫始易緋  
共道荀家好兄弟白雲猶見一龍依

要劉子真光祿出會

十載時通白雪盟  
竭來猶自昧平生  
雙魚入袖元難滅  
老驥逢師可不鳴  
文度江東慙獨步  
真長晉代許齊名  
船齋少宿丹陽尹  
牛女應誇紫氣橫

寄陸與繩太僕

尺一書來綬便丹  
共傳鳴玉上金鑾  
那知此日攻駒在  
猶作當年失馬看  
人愛賜環時卻易  
我憐完璧晚逾難  
如聞楚澤波臣狀  
庶子泉頭好自寬

舉主御史大夫傅公同年大司寇謝公款宴江寺

感謝

把酒青迴江上峰，淨筵分供玉芙蓉。  
涼從鳩署秋聲起，暑避烏臺霜氣濃。  
海內何人能附驥，江南有客舊登龍。  
艱難往事那堪數，惜別銜恩意萬重。

金山與送者飲別登舟作

江天高閣倚傀俄，惜別猶呼金叵羅。  
送客總歸唯月在，游人欲老柰山何。  
才聞出夾吳音少，稍入中流楚調多。

爭道壯游官亦得不知吾意已蹉跎

肖甫中丞自采石馳歸一醉而別至江州寄懷

初聞牛渚駐旌旂小隊元戎早自歸乍合延津疑劍是  
纔違漢浦覓璫非歌偏白石成名晚身在青雲折節稀  
也道武昌魚鴈便那能相憶不沾衣

泊安慶江口即事

扁舟孤泊下江干父老能言保障難樓觀日將金紫錫  
江山天闕畫圖看風廬似倒降王旆烟雀猶喧誓將壇

莫倚臺城龍虎氣幾愁無地可迎鑾

登小孤山

忽有蒼翠來眉鋒躍然令我呼短筇波心倒插白玉柱  
水面秀出青芙蓉平分吳江楚江地對聳天南天北峰  
老夫鐵笛欲吹卻恐向盤渦驚卧龍

至江州尚不得舍弟敬美除官信悶成卻寄

有鳥雙棲偶一鳴無才那敢論時清纔經楚澤人堪老  
若到燕臺馬自輕白雪和來難後輩青雲是處畏先聲

與君暗憶祗園地不冷蓮花惠遠盟

江州答謝徐司空世寅時尚撫江藩兼致聲德甫  
先朝抗疏許誰雄白下偏驚鮑氏驄出領江藩中執法  
還平邦土少司空情如廬嶽千層厚書借潯陽九派通  
猶有豐城孤劍在待君噓拂便成虹

七月望夕大參鄭邦用僉事蔡景明戢敬之邀游  
赤壁二首

賓主西南勝事并此游端足慰平生杯仍七月稱秋望

賦是雙珠可夜明戰血至今高壁色詞源終古大江聲  
與君聊釋盈虛意忽聽山城漏五更

其二

將壇文苑代稱雄指點千年感慨同名在江山翻借色  
事過天地竟何功鄉心暫托烹鱸後客夢都拋別鶴中  
秋月偶圓風自好坐來羣緒為君空

癸酉秋再監楚棘感懷二首

從叨三晉領賢扉南紀秋風又鎖闌屈產自良吾齒老



楚珩雖貴國工非殘燈晃影疑裁素清杵傳更似搗衣  
功業少年諸不乏倘容并避一翁歸

其二

紫衫垂敝白鬚偏潦倒慚非入棘年聽語雕蟲身自厭  
由來相馬事空傳差強澤畔吟行地卻送河東賦上天  
論賞進賢當不薄可應還記介推田

中秋夜登明遠樓觀月作

列炬分行鼓角催江光如練倚欄開初疑卞璧排空上

忽有隋珠破夜來入坐天香真桂苑披襟風色勝蘭臺  
還將校獲誇雲夢磊砢紛綸盡楚材

贈曾參議公公子中丞以三撫蜀甫遷官即歸郢  
挂緋剛及賜緋時總為雲山愜素期有子陳咸那教諂  
為郎顏駟肯論遲高從郢里倡春雪遠許巴人寄竹枝  
見說原陵多被地可知童冠解相隨

輓九十三湯翁翁嘗為吳邑丞時令予中丞以候  
代留襄

共擬鳩筇履漢庭忽驚鶴馭指青冥吳中舊雨留棠樹  
天上新霾掩歲星聽罷府烏頭欲白攀來臺栢樹非青  
襄陽者舊能相挽墨經聊為借寇停

登黃鶴樓

縹緲高凭崔氏樓依微西眺彌生洲天容孤鶴排空上  
水合雙龍抱郡流一代真成春雪倡千年誰識歲星愁  
老夫聊翫人間世任遣浮雲黯不收

黃鶴樓餞別蔡使君景明

栢臺高卧白雲秋靜者由來有蔡侯識我姓名真倒屣  
念君離合重登樓中天日傍長安出薄暮雲生大別愁  
倘是五羊能見憶莫辭雙鯉向吳洲

魏順甫晴川閣分韻得芳字

憶醉漁陽春草芳蹉跎回首廿年強青萍斗傍孤城合  
白首天容二子狂高閣對懸今古色浮雲不盡往來檣  
尊前忽語登龍事慷慨悲歌泣數行

寄答張助甫

中原高枕白雲深  
春草玄關懶自侵  
不怕汝南人月旦  
所愁江上鯉浮沈  
鳳皇獨攬千尋德  
鸚鵡雙懸異代心  
此日為君成感慨  
武昌風色畫陰陰

其二

君近以乞誌  
過我吳中

中郎不愛賣碑錢  
盛德那因乞米傳  
念爾去凌淮蔡雪  
向誰呼覓孝廉船  
忽驚魚素衝江渚  
驟有驪珠射楚天  
無限故人推轂意  
愁君手板少年前

過京山王太僕汝化期還日過飲以病從漢江抵

省太僕有作賦此解嘲

十載登龍願不違  
見來詞賦有光輝  
已拚送酒陶家醉  
敢作凌風列御歸  
席畔黃花寒不負  
江頭青雀病相依  
誰言郢里今遼落  
白雪逢君片片飛

敬美需次不調於秋夜倡和有庾公南樓之思走  
筆為答時予有嶺右命

北游吾弟困長安  
南徙而兄老一官  
欺客秋風生襁褓  
誤入春事在彈冠  
莫誇同調蘭金易  
縱得時名桂玉難

俗殺武昌中夜月庾公那自折腰看

答寄子深鎮國

著成鴻寶世稱奇十載匡廬有夢思忽爾贈余青玉案  
蕭然如對白雲姿魚書但到那論晚龍劍須逢自有時  
俱道陳王饒麗藻可能重贈仲宣詩

武昌奉別省中諸公

差池霜色鬢毛侵三月移藩已滯淫惜別故人分手淚  
思歸傲吏折腰心潁魚下水猶堪溯黃鶴摩天不易尋

回首莫論萍梗事古來天地有浮沉

上廬山天池寺

使君五馬一踟躕為愛匡山勝不虛亭出御書天子鄣  
水成仙樂聖僧廬微陰液雪瑤時破寒色留楓繡自如  
未有仙才同謝監將分佛地卜吾居

登天池回望下方俄而晝晦

勝地初憑一杖收正教吳楚落雙眸千峰盡裊香鑪氣  
九派平拖瀑布流忽瞋乾坤垂混闔欲歸身世半沈浮



佛燈縱出難為照天眼雖尊不破幽

周銀臺汝學攜酒淨海寺貽詩見贈時余適有太僕之除落句云云遂成答謝

江頭初駐木蘭舟誰解攜琴載榼游三國聲華公瑾早六朝風物秣陵秋詩成古剎寒堪失酒盡長干暝欲愁縱有除書君莫恠馬曹元自屬王猷

贈姚繼文學憲由楚遷江西大參

史談留滯逾三載啟事山公願不孤剖盡荆珉無卞泣

教成郢雪失巴歛文星入夜衝南斗化雨將春下蠡湖  
還道木天當日地只今明主賜環無

贈殷無美獲雋留省入試南宮

見說賢書有著聲詞場吾黨日崢嶸一枝肯作尋常桂  
尺璧能償十五城往嗣東吳元秀出深源今代豈虛名  
還從鴈塔看前輩莫向龍門負此生

題洞湖卷贈凌玄旻

玄旻托好凌九絃一曲猶能小賀生書似靈威偏嗜秘

宅如和父僅餘名烟霞不散奚囊色日月長尋釣艇盟  
倘讀吳儂舊游記令君風骨坐來輕

送侍御河南李子興還朝因伸鄙感

攬轡名高九道聞攀轅人惜二天分論才豈必相如似  
薦疏空勞北海勤驄馬風生千里足神羊霜壓五花文  
欲知下走沾沾意今日真成御李君

嶺右張羽王明府邀合郡諸名勝會餞虎丘時江  
右龍司理亦集輒成二章為謝

府公高譙入春開江左風流異代才茂苑自驕羣玉聚  
桂林初見一枝來分題競勝燈前草欲折還含雪後梅  
贏得班生仙骨在手攜星藻向三台

其二

春山如黛水如羅勝會還期勝地過南斗文隨龍劍出  
西山爽為馬曹多生公石冷思眠甚陸羽泉遙奈渴何  
聞道陽春饒麗藻阿誰先付雪兒歌

曹太史一呈有子逾週韶秀可念賦此為贈

青葱玉樹映庭除，抱送麒麟事豈虛。  
生得馬遷知續史，便逢王粲不捐書。  
鳳毛池上霞同挾，蚌氣江頭月並舒。  
若問攻駒今太僕，渥洼千里許誰如。

寄少保殷公

春酒如澠花滿枝，醉談歸傳賜金時。  
天容弘景山中相，人識留侯帝者師。  
聽罷齊風知再表，秉來周禮未全施。  
亦知咄咄非公事，海內蒼生正繫思。

寄調許殿卿左史

峭湖春水讀書堂謝客時時懶下牀  
稍出新篇曾御李  
初攜小婦為辭梁  
貪聽半語游僧偈  
盡釋南中奉使裝  
便是相逢能解脫  
已應無淚傍山陽

喜少師徐公楊公二子並成進士

莫疑天意薄蒼生  
社稷功存退始輕  
契濶累朝魚水舊  
參差昭代鳳毛成  
雙開綠野泥金色  
並武青雲振玉聲  
不獨兩家喬木在  
中興今見世臣名

過桃源作

沙深老樹欲全髡湍急停雲勢若奔僅有隄存如瓠子  
幾曾花發號桃源天過淮海疑全別水出崑崙已自渾  
卻憶故鄉諸李在接離顛倒辟疆園

阻風彭城下洪

信宿維舟阻急湍叢祠賽鼓問祈安風狂恠石低昂見  
渚枉荒山向背看久仗束書成客計還呼卮酒斷愁端  
彭城咫尺君休擬老慣人間行路難

初自彭城山行聞鶯

水宿逶迤不計程有無春事未分明白門渡口逢三月  
黃鳥行邊始一聲句向清時稀感慨官因遲暮減心情  
祇園桃李花如錦祇為游人特底生

河間道中

歷亂鳴雞夜未闌客程何處不加餐擔頭書卷風時墮  
馬首桃花雲並殘望國望鄉春思雜中寒中暑客衣難  
河間正是班班地衰鬢朱簾懶向看

送王太史脩昌冊封關內便道省壽太夫人



玉節新從北極開，彩衣仍出尚方裁。  
猶龍紫氣將西度，如帶黃河自北來。  
嶽色晝晴迴菡萏，珂聲春晚散蓬萊。  
稱觴不貸夷門酒，分得君王露一杯。

送少宰劉公憲謙遷南大司空

鳳池分手惜飛蓬，平土留京地望雄。  
啓自山公傳吏部，班應雲母隔司空。  
鵷行八座星辰表，鷁首三江暮靄中。  
我欲無言渾未得，可應桃李忘春風。

王學士元馭留飲花下作

學士高齋傍玉清入門幽興劇縱橫已拚芍藥似人老  
忽送榴花令眼明文酒竟成吾黨事笑談真見故鄉情  
毋驚百徧相過語若到郇厨體自輕

端午日楚人丘戶部汝謙要飲顯靈宮即事

逃暑仙都靜不扃雜花紅霧晝冥冥綵絲留景真堪續  
白苧含薰且細聽酹屈懷沙人漸少辟兵飛警事初寧  
從他稚子行觴數楚客於今肯愛醒

江右彭翼射策不第侯子至都投詩為贄即日告

歸答贈一首

寂寂公車意未平，為誰驥首忽雄鳴。  
才高一出能同調，客好何妨與借名。  
斗氣豐城歸自出，暮雲湓浦到來生。  
他時莫詫安昌舊，籍甚聲華在漢京。

少宰學士陶公虞臣輓章

五月輶旌發上都，羣公雪涕萬人呼。  
仍開地下修文館，不拜宮中續命符。  
吏部斗山初罷仰，君王雨露肯回枯。  
從知續史心猶在，握手龍門事未孤。

子與自閩明卿自貴同日書至有感

參差青鳥建章宮忽有瑤音慰轉蓬  
兩地虹霓書遠近  
各天雷雨劍雌雄俱誇拙宦身猶在  
且喜加餐字每同  
寄語圖南爭矯翼燕臺四起大王風

其二

故人嶺海尚栖遲九列雖叨敢道宜  
李重有書方悔俠  
偉長中論未逢知誰偏謝豹啼丹地  
並許媿隅托素時  
莫恠承恩還避輦至今猶自怯蛾眉

寄答明卿使君

誰言天遠故人疎，尺一雖微意有餘。  
信過衡陽那是鴈，書從蠻府不呼魚。  
衰顏近日紅從借，勁髮安霜綠自如。  
共道楚工今識察，莫將清淚染瓊琚。

送大司空萬安朱公進太保馳驛南歸

胼手曾扶大陸沈，錫圭功似禹年深。  
三朝漢省尚書履，一詔疏家太傅金。  
諫漆轉揚明主德，懸車誰識老臣心。

遙應綠野城南地，不改芙蓉碧萬尋。

萬安城南五里有芙蓉山

其二

帶玉搖光下帝閭  
即教蠅點轉成恩  
令狐陵史先皇舊  
司馬河書異代言  
六傳賜馳騰紫陌  
千官出餞擁青門  
他人自喜中山篋  
公意從寬北海尊

送吳城歸吳

季子揖余歸故園  
懶騎羸馬傍入門  
燕中貂敝那曾怨  
吳下猿驚且莫論  
唯是客星時失職  
况多才鬼未招魂  
衡荆也自饒功業  
細搨黃庭倒綠尊

送御史大夫餘姚趙公領南臺

曉傳除命下明堂西第停鍾減舞行此去風稜歸獨坐  
向來霜色滿南牀千鳥舊是臺城侶一鶴居然御史裝  
見說太平隄上樹廩秋猶自拂雲蒼

壽吳太夫人

方伯子彬母

隆萬之際朝家清婺星德星相映明京兆雋媼古來幾  
河南吳公天下平北堂進七曉色動西母戴勝秋風輕  
縱無海籌祝景算雅有彤管書崢嶸

偶成

睡起兀兀憑籃舁  
衙參放來何所為  
有書僅寫馬復令  
得酒却憶牛醫兒  
西山一片青刺眼  
石榴幾株紅亞枝  
俸過六百不解免  
行年五十終無奇

同舍弟邀汪伯玉仲淹昆弟游蓮花庵

帝城西北有蓮宮  
水檻冰壺面面通  
甘雨跳珠千葉上  
法雲垂綺百花中  
詩攜愛弟藍田侶  
酒許徵君白社風  
莫向幻人論色界  
望來烟景坐來空



田子執以諸生異等貢游兩都署冊曰南北大觀  
賦此贈之

田方魏客舊知名白首青衿事魯生  
薊苑星辰天北極金陵龍虎漢西京  
飛談碣石千人廢使酒長干一坐傾  
賦草縱成須晚出祇今塵世有張衡

贈談思重中軍餉上谷便道還里

莫從浮白歎離羣轉餉由來第一勲  
慷慨劉生初出塞詩書邵氏舊中軍  
征帆欲指江南雨歸橐猶殘薊北雲

倘許吳兒歌子夜平羌新譜若為分

七夕過李通政伯玉

小暑初殘節序嘉探書因過鄴侯家諸峰似取支機石  
一水曾通貫月查巧向天孫分杼柚工從司馬詠琵琶

客有彈琵琶

清朝酒醒猶疑夢玉露分明染鬢華

哭梁思伯內翰

蓬萊闕下散瓊琚一入羅浮恨有餘死去伯鸞隣俠骨  
病深司馬篋遺書西清幾種風流在南國諸生雪涕初

莫向尉陀城上望五羊春事已凋疎

送梁舍人奉使還嶺南

珂聲歷落散金鋪曙色南分一宿孤客到羊城元奉使  
歌從鳳沼有將雛梅花寄遠羅浮玉詩草行裝合浦珠  
聞道伯鸞新冢就可能相為附生芻

曹子念南歸

曹甥跌宕甘沈淪兩脚偶踏長安塵不知茗酪定誰好  
共訝菰蘆無此人燕歌回風白日暮吳趨謔浪清霜春

祇園松竹好料理顧我終豈巖廊身

楊少宰伯謙扶侍太夫人歸里得二首

百年將母世誰如出入三朝畫繡餘  
帝許山濤無啟事天容潘岳有親輿  
堂開晚色萱長好籬隱寒香菊未疎  
不是面承宸語切還期那肯顧尚書

其二

青山一片帝城南離思無多酒任酣  
座裏台垣元待八刀頭明鏡祇容三  
停雲客羨歸雲懶捧日心從愛日耽

臨別故人毋惜道不知中散有何堪

汪伯子司馬閱武試

主恩司馬一登臺立表驂驛千騎來  
鏑似飛星爭犯月  
鼓如催雨不停雷橫開銅柱南頭去  
坐奪金城右臂廻  
此地若容狂李白也應偏識令公才

申先生汝默以經筵史館勞進宮端學士賦此奉  
賀

史才經術世推能玉署鑾坡秩並增  
拜命爭看雙綬紫

書銜真作一條冰帝稱匡鼎順堪解入識金甌事可憑  
懶散列卿休健美履聲寒月滿觚稜

為李師孟方伯題五華山房

青蓮居士躡青霞曾移九子為九華君今五華讀書處  
又見名山屬李家峰峰西嶽雲間掌朶朶郇公字裏花  
不似終南饒世路儘堪佳處向人誇

聞謝茂秦客死魏郡寄詩輓之

如聞鄴下仰風流蹀躞誰令走魏州老去一編文苑足

病來孤枕客星愁江湖氣盡無匹孀妻子情偏有蒯緱  
總為濟南杯土在也堪揮淚布衣游

魏懋權追踐約於德州至清源而別書此為贈

席帽西風吹欲歌衝寒來踐故人期攜將趙璧愁償汝  
佩得虔刀舍贈誰齋舫論心初縱酒河梁分手又成詩  
祥烏莫戀中丞栢好向長楊借一枝

贈鄭侍御子義

衣繡翩翩翽帶垂看君真是鄭當時每逢佳客必青眼

况復諸郎多白眉老去壺中寬世界名成谷口動京師  
吳姬壓酒齊謳倡那得秋霜上鬢絲

途遇習太史時甫登泰山歸有贈

胸羅寒月有梯雲四海才名鑿齒聞已自講壇推嶽嶽  
仍從禪地訪云云胸前齊魯森相逼觀表秦吳杳不分  
見說封中縈紫氣還應綵筆動天文

治河傳中丞何侍御呼飲行臺賦謝

急管深杯緩客愁嚴霜不傍月華流中丞屋上烏能好



御史車前驄欲留今去咏何真作柱古來稱傳仗為舟  
清朝功業堪俱就轉餉從輸第一籌

維揚過丁戶部有贈

與君三日話連牀江左風流共一方再入嘉隆循吏傳  
兩為南北度支郎絃中白雪心孤賞座裏春風客對忘  
若憶陳王歡怨句先朝姓字雅相當

儀真道中

中丞臘月上真州送客俱辭影僅留出處本來無繫着

東西元不礙夷猶霜嚴未洩前旌色冰老能封小澗流  
寄語擁鑪兒女道老夫裝束竟何求

邀助甫自汝出會并伸勸駕

知君高枕狎年光休汝篇成自一方名士風流誰甲乙  
故人星在莫參商使因先出甘龍尾倘得新評許鴈行  
巖穴清時垂欲盡可能無意奏長楊

助甫以病不出會遺詩見贈悵然有答

已付寒軺落照中可因霜老誤征鴻逃名張廌千竿竹

起色枚生百尺桐家近陽城堪自妬里無春雪向誰工  
欲知歲晏相思意蕭瑟孤城事事同

答武昌趙中丞良弼


霜後梅花驚客郵知公青盼在襄州曾於江夏叨參佐  
敢向竒章擬上游春至雙魚思溯漢月明孤鶴悵登樓  
何時對搗蘭臺管一掃雄風萬古愁

大梁候吳明卿不得聞尚留里中賦此促之

一往除書歲月深恠來鴻信誤追尋三朝老共思家夢

萬里歸偏薄宦心客笑元長寧寂寂人窺影涉莫

闕



弇州四部稿卷四十二